

# Агитбригад тэрэнэ бригадст

Хальмг республикин, Яшалтинск района совхозмудин болн колхозмудин куч-кблсчнр тэрэ хуралгэна, малдан хойр джилэ хот белдлгэна кблмшин ик дилврмуд бэрв.

Эдн кедж-күцэдэ йовх кблмштэн ним дилврмуд күцэднэ района культурин отдел ик дбнэгэн күргв. Тэрэнэ ургэц хуралгэна түрүн бдраснэ авн тракторн бригадсар болн токсар, культурин учрежденьсин кбллэчнр болн активистнр гегэн-герлин цээлгэвр бгчэв.

Малд кбллэчнрт, тэрэ хуралгэнд болн малин хот белдэж йовх улсин амрлгэ сээнар бурдэлгэнд, района хужожественн самодейательностьд орлцачнр, киномеханикүд, библиотекин болн клубин кбллэчнр эврэннэ цуг эв-аргэан олзлджацхав.

Района культурин Герин кбллэчнр полевой стансарзогслтан угагэар концерт үзүлэд, наадк кбллэчнрт үлгүр болджацхав.

Бригадсар йовлж концерт үзүлхэсн бмн, кеджэх кблмшлэнь ирлцнэгүтэгэар концертэн эдн белдэж авцхана. Тер тустан эдн ик дамшлтта. Тегэд колхозин кеджэх кблмшт нбкд болдж, сатирическ бээдлэр залхуч, аркнч, иткл уга улсиг, дакад колхозин нүүрт йовгч улсин кблмшин дилврмудин тускар үзүлцхэдэ, теднэ кблмшин чинр мана орн-нутгин бээдл-джиргэлд ямаран тустагэинь концертдэн илдкэж медулцхэнэ.

Сээнар наад гаргэдг, орсин олн-амтнэ ду болн частушкэ дуулдг, хбкрлгэ келдг, би билдг улс Яшалтан культурин Герин агитбригадин коллективд орлцхэнэ.

Кблмшин гүргү цагла, культурин отделин „ГАЗ-51“ машингээр эн агитбригадин 8 член полевой стансар тасрхан уга оч концерт гаргэджацхав. Эдн района колхозмудин болн совхозмудин 16 полевой стансиг теткэд, үзүлсн концертсинэ зургэан минэгэ гар колхозникуд болн кбллэчнр хэлэцхэв.

Олн кбллэчнрт болн колхозникудт концертлэнь хамднэ лекц умшал, күүндврин болн цээлгэврин кблмш эдн кеджэцхэв. Кировин, Сталинэ нертэ, „Заветы Ильича“ колхозмудин эрсин газет болн боевой листокс гаргэлгэнднэ, селэнэ клубсар болн полевой стансар лозунгс болн плакатс бичдэж, сул цагтан эдн дбнэгэн күргэцхэнэ.

Эднэ дилврмудин тускар, Яшалтинск культурин Герин „Сув-селвг бгдг тетрадьтнэ“ кесг олн ханлтин үг умшдэж болхми. Үлгүрнэ, „Агитбригадин коллективин, үзүлсн концертднэ ик гидгэр ханлтан бргдэжэнэвдн. Эн концерт мана кблмшт ик дбнэгэн күргэжэнэ. Цяаранднэ ним сэн дилврмуд бэрдэж, шулу-шулу-шугэар ирдэжэхиэ ицдэжэнэвдн — гидж „Новый мир“ кол-

хозин 1-ч бригадин колхозникудин нерн деерэс энүнд бичэгтэ бээнэ.

Энүнд Ю. С. Афанасьев, В. В. Блохин, Л. Горовец, Д. Мамай болн нань чигн улс шунмгэагэар орлцна. Концерт гаргэхин бмн КПСС-н РК-н политпросвещенэ кабинетин заведущ В. В. Блохин „Нарт делкэн бээдлин“, „Ближнэ болн Среднэ Востокд болджах йовдлмудин“, „КПСС-н ЦК-н июньск Пленумин шиидвр болн мана тэр“ болн нань чигн лекц умшдэж бгэд, олн кбллэчнрлэ болн колхозникудла, района колхозмудин бээдл-джиргэлин тускар күүндвр кенэ.

Эднэс үлгүр авч Соленое селэнэ культурин Герин коллектив, 105 ч номертэ совхозин, Ленинэ нертэ болн „Победа“ колхозмудин 14 культстанс концерт үзүлэж, гурвн минэгэ шаху колхозникуд болн кблмшчнр теткэ.

Тер мет сэн седвэр Камышин селэнэ болн Сталинэ нертэ колхозин селэнэ клубин кбллэчнр бэрдэж, культстансар болн токсар концерт үзүлцхэв.

Эн джил района колхозмудин болн совхозмудин газрт 13 минэгэн гектар эрдни-шишэ тэргэсн бээнэ. Эн эрдни-шишэн гектар болгэнас 200 центнер сэн чинртэ силос дардэж, хойр джилд күрх малин хот белдлгэнд района цуг кбллэчнр болн колхозникул кбллэж йовцхана.

Эн бдрмүдт района культурин Герин агитбригад тасрхан уга колхозмудин боля совхозмудин бригадсар йовлж концерт үзүлэж, лекц умшдэацхана.

А. ШУНГУРОВ,  
КПСС-н Яшалтинск райкомин  
пропагандист.